

غیریدر مثلاً باقرک رنگی بر نوع قرمزی و قلایک رنگی دخی بیاض اولدیغندن حاصل اولان خلیطه نیک رنگی ایسه صاری اولور بوندن بشقه باقر یومشاق و قلاهی دهالین اولوب خلیطه لری بالعکس سرت و سخت اولور و نحاس پک آغر بر معدن اولوب قلاهی دخی اندن خفیف اولدیغی معلوم ایسه ده خلیطه لری نیک کثافتی ایکه سنک کثافتلری مجموعندن زیاده در و قلایدن بر چاک اعمال اولنسه صداسز و باقردن اولانک دخی صداسی قوتسز اولوب حالبوکه جسمین مذکوریندن اعمال اولنان چاکلرک صداسی بلند و رقیق اولدیغندن چاکلر دائماً خلیطه مذکوره دن اعمال اولنور و اشبو خلیطه یه تو بیج تسبیه اولنور اشته بو خلیطه نیک تحدی انجیق حرارتک واسطه سنسه متوقف اولوب دیگر صورتله بالعمل بو وجهله اتحاد و امتزاج و وقوع بولیه جنسی اشکار درزیرا واسطه مزبوره مناسبت کیویه نیک تأثیرینی تسهیل و دعوت ایلش اولور

(ادهم)

(بقیه سی صکره) عن اعضای مجلس والا

(صوده بوغلانلرک صورت مداوات واستخلاصی)

صوده بوغلانلرک مداوات واستخلاصی ضمننده بو طرفلرده معروف و متداول اولان اصول قدیمه نیک نه درجه مضر اولدیغی بیانیله اولبابده نوجهله حرکت اولنسی اقتضایده جکنه دائر حذاق اطبادن دو قنور نارازینک اثری اوله رق کچکرده ژورنال دو قونستانین و پلده مندرج بولنان رساله مختصره فوائده عمومیه بی مستلزم اثار نافعده دن اولغله مناسب کوریلان فقراتی بالترجه مجموعه عاجزانه مزه درج و تحریرینه ابتدار قلندی

صوده

صوده بوغلانلری قورنارمق ایچون بو طرفلرده جاری اولان اصولک مضرت ووخامت عیند الاطبا معلوم ایسه ده بو کیفیت خلقک اذهاننده بردرجه تأسس و تقرر ایتشدیر که دلائل علمیه ایله بطلاننی انلره تفهیم و اثبات کفایت ایتجوب صرہ سی دوشد بکجه مضرات واقعه سنی بیان ایله تبیح اولنمی اقتضا ایدر فقط اذهان ناسده نیجه ییلار دنبروجا یکیر اولمش بو مقوله افکار باطله نک کلباً و دفعه محو و ازاله سی بر امر آسان اولمدیغندن خلقی بوندن واز کچورمک مرور زمانه و اصحاب معلومانک بالاتفاق مساعی متمادیه لرینه محتاج اولدیغی دخی انکار اولنده من مؤخرأ ظهوره کلان بر وقعه مکدره نک نقل و حکایه سیله موضوع بحث اولان اصول مضره نک نه دن عبارت بولندیغی و بونکله غریقک اعاده حیاتی ممکن اولمدقدن بشقه بلکه مما تنه سبب مستقل اولدیغی معلوم اولور

در سعادته یونان قونسلوسی بولنان موسیو پالتولوغ چند ماه مقدم هکبه لی اطله ده بر دوسنبله برابر دکره کیرمش و ایکبسی دخی یوزمک بتلیدکلرندن درین یره کتیب کارد طور مشلرسده طور دقلری محل اوچورمسی بریر اولدیغندن موسیو پالتولوغ غالباً ایاغی قایمسیله بردن بره صویه باتوب بر قاج دقیقه صویک ایچنده قالدقدن صکره چیقارق استمداد ایتمش ایسه ده رفیق بونی لطیفه ده حمل ایله خلاصیچون هیچ بر تدیره تشبث ایتماش و مر قوم تکرار صویه باتوب بر قاج دقیقه صکره چیقارق امان باتیورم دیو چاغر مش و خیلی چالیشوب چالماش ایسه ده یوزمک بتلیدیکندن تکرار باتوب بردها کورنماشدر رفیق بو حال کورنجه تلاش ایدرک هر کسندن استعانه و استمداده و مر قومی کیم قورناره ییلورسه زیاده سیله مکافات ایده جکنی اعلانه باشلادیغندن بر قایق ورود ایدرک ایچنده بولنان قایقچیلر هر نقدر سائر اطه لولر مثل لولک اعلا یوزمک ییلورلر ایسه ده کویا صویه غرق

اولان شخصه فوق العاده بر قوت کله جکندن استخلاصه چالیشان کسسه
هر نقدر قوتلی و یوزمکه مسهارتلی اولسه مقاومت ایده میوب برابر غرق
اولوردیو خلق بینده بر اعتقاد اولدیغندن مجرد شو فکر باطله مبنی غریق
مر قومی قوزنارمق ایچون هیچ بریسی صویه اتلیوب قایق کورکریله
چیقارمق استدکرندن بو صورته اون دقیقه قدر اوغراشدقدن صکره
غریق کتاره کتوررک وجودی بره لشمش اولدیغنی حالده صودن چیقاروب
باش اشاغی ایاغندن اصمشلردن بر از وقت بو یله اصیلی طوردیغنی حالده
مأموللری وجهله قازندن صوو چیقمدیغندن کوبا غریق مر قوم ده
اولماش ایسه قازنده بولنان مقدار جزئی صوموته سبب اولورو بو صو
هر نقدر از اولسه ینه چیقارلق لازمدر زعم فاسد یله بیچاره نك کس
وقازنده اموزی باشلرینه عادتاضرب اتمکه باشلیوب بونکله دخی مطلوبلری
حاصل اولدیغندن غریق یه ایندیروب قالدیرمده یوررکی کوکسی وقازی
اوزنده یورمکه باشلامشلردن نهایت صاغ ادملره نسبتله بیله اسرع اسباب
هلاک اولان اصمق و دوکک و تپه ملک کی معاملات تعذیبیه دن بر فائده
کوره مدکرندن مأیوس قالدقنری حالده بر طبیب ظههور ایدوب غریقک
جسدینی صغومش و بره لشمش بوله رق بوغاز طمرندن بر قان المش ایسه ده
خیلی وقت صکره قان اقدیغندن و بر قید قدر قان چیقمش اولدیغنی حالده
غریقده اثر حیات مشاهده اولمادیغندن طبیب کچ یتشمش و ایش ایشدن
کچمش اولدیغنی بیان ایدرک صاویشوب کتشدن
ایکی ساعت صکره دیگر بر طبیب جلب اولنوب بودخی بعض تدایره
تشیب ایلش ایسه ده بر فائده نی مفید اولدیغندن جنازه واپوره قونیه رق
در سعاده کتورلش و بورایه وصولی غرقندن سکر ساعت مرورنده وقوع
بولش اولغله تجمع ایدن اطبا غریقک صودن چیقارلدیغنی انده اجرایی
لازم

لازم کلان بعض معالجاتی استعمال ایشلار سنده هیچ بر فائده سی
کور یله مامشد

اشته صوده غرق اولئر حقننده بو طرفلر ده نصورتله معامله اولندیغی
تفصیلات واقعه دن معلوم اولدی بو یابده اورو پاجه معتاد اولان اصول
بجمله کلنجه متقدمین و متأخریندن خیلی نوات بو خصوص حقننده چوق
شیر یاز مشلر ایدیه ده شوامر خیرک یولیه اجر اسیچون کرک طرف حکومتدن
و کرک اصحاب خیرات جانبندن مخصوص جمعیتلر و خسته خانه لر تأسیس
و انشاسنه بداء اولدی انجیق یوز سنه واردر یالکر اسقو چیا ده دور هام
پسقو سنک بنا کورده سی اولیق اوزره بامبروغ قلعه سنده کائن غرقا
خسته خانه سی بر قاج یوز سنه لکدر مقدملری الامانیانو فرانسه و سائر
محللر ده حکومت مأموری حاضر اولدیجه بر غریق صودن اخراج ایتمک
ویا خود امدادینه بشمک قانوناً ممنوع اولوب خلاقی حرکتده بولنانلر
مجازات شدیده یه گرفتار اولورل ایدی حکومت مأمورلری ایدیه هر برده
حاضر و ناظر اولامیه جقلردن صرف نظر ورودلرندن صکره دخی بر طاقم
مراسمه رعایتله بیهوده اضاعه وقت ایلدکلرندن قورتارلمسی ممکن اولان
نیجه بیچارگانک موته سبب مستقل اولورل ایدی حکومتک اشبو
معامله سندن بشقه بر جنازه یه تقرب ایتمک اولوق افکار نیجه دیناً امر
مکروه عدا اولوب بو وجهله بر کسنه ک ساخلخانه سی پیشکاهنده بر جنازه
کورلسه چیقارلمسی خیلی مضارف و تکلفاته محتاج بولندیغدن و اکثر یا
جانی مهلکه یه آتهرق غرقدن ادم قورتارنه دخی هیچ بر کونه مکافات موعود
اولدیغدن خلق غریقلرک یانه ییله یا قلاشقی استمرل ایدی مؤخر اشبو
اصول مضره کلیاً لغو اولمشدر

۱۷۶۲ سنه میلادیه سی الامانیانک بلاد مشهوره سندن هامبورغ شهرنده

غریقله نوجهله معامله اولنسی لازم کله چکنه و بونلری حیا و یاخود
مینا دکر دن چیقارن کسنه یه و بر یله جک مکافاته دأ بر بر نظامنامه
تنظیمیه اعلان اولندی ۱۷۶۷ سنه سی فلنکده امستردام شهرنده تخلص
عرقا اسبابنک استحصالنه سعی ایلک اوزره بر جمعیت تشکیل اولنهرق
ابتدا بو شرفه شهر مذکور نائل اولش و مؤخرأ اوروپانک اکثر محفلارنده بو
مثالو پک چوق جمعیت خیریه تشکل ایلشدر

۱۷۷۲ سنه سی پارسلی موسیو پیانام ذات صویه عرق اولهرق نفسی طبقاتش
و نبضی حرکتدن قالمش اولنلری استخلاص نیت خیریه سیله پارسده بر
خسته خانه بنا و امر اداره سنی بالذات کندوسی در عهده ایدوب اوج
سنه صکره بو مدت ظرفنده موفق اولدیغی خدمات خیریه و اتخاذ
و استعمال ایلدیکی اصول مستحسنه یی نشر و اعلان ایلسیله جهلنک تقدیر
و تحسینی جالب اولهرق مومی الیهک اصولی فرانسه نک اکثر ایلاننده اتخاذ
واجرا اولندیغی مثالو مقدمه آمستردامده تأسس ایتش اولان جمعیت
زیر اداره سنده بولنان خسته خانه لده جاری اولان اصول دخی دانیارقه
دولتی پای تختی اولان قونپهاق شهرنده دخی اجرا قلندی ۱۷۷۴ سنه سی
لوندرده جمعیت انسانیة قرالیه نامبله بر جمعیت تشکل ایدرک غریقله
مخصوص بر جسم خسته خانه یا بلش و بونده اتخاذ اولنان اصول مؤخرأ
امریقا و هندستانه دخی تعیم قلنشدر صکره لری اوستریا و لهستان
وروسیه ده دخی بو مثالو نیجه جمعیتلر تشکل ایدرک پک چوق خسته خانه ل
تأسس و انشا اولنشدر

برمنوال محرر اوروپانک هر بر محلنده کرک دولت و کرک اصحاب خیرات
طرفدن جمعیتلر تشکیل اولنهرک و خسته خانه لری یایله رق غریقلری نصورتله
قورنارمق و اعاده حیاتلری ضمننده نوجهله مداوات اولنقی لازم کله چکنه
دأر

دأریایی اعلانات و نظامات ترتیب و نشر اولدیغی مثللو بر جمعیت بر مدت معلومه ظرفنده قاج نغر غریق استخلاص ایلمش و نفسی کسلوب نبضی حرکتدن قالمش و خلق نظرنده چوقدن اولمش دینلان تقدردامک جانی قورنارمش اولدیغی اره صره اعلان قلنسورایدی موسیویانک تحت اداره سنده بولنان خسته خانه حین تأسیسندن یعنی ۱۷۷۲ سنه سندن ۱۷۷۸ سنه سنه قدر ظاهر اثر حیات کورنمیان طقوز یوزاوتوز بش غریق سکزیوزاون اوچنی قورنارمش اولدیغی مثلولوندره جمعیتی دخی بش سنه ظرفنده ایکبیک اوچوز غریق اعاده حیاتنه سبب اولشدر بی نوعردن شو قدر نفوسک استخلاصی مدنیت و انسانیت بر یوک خدمت اولدیغی تعریفدن مستغنی اولوب بوا یسه اصحاب خیراتدن بعض ذواتک اعانه و امدادی و اطبای حیثش عارندن بعضیلرینک حسن همتی ایله حصول پذیر اولدیغندن بو مثلوزوات مرو تسماتک اسمری الی یوم القیام زیور صحائف تواریح اوله جغی درکاردر هامبورغلی ژان ابراهام وویلکن دولکمان و فلنکلی قوزن ولوندره لی هاواس و پارسل پیا و موراوالی قونت لئوپولد بریجتولد ودها سائر لری بو قبیلدن اولوب ایچلرندن قونت بریجتولد کبی بعضیلری بو یولده فدای جان دخی ایتمشدر

سالف الذکر دولتلر و جمعیتلر بر منوال مشروح بالذات ایتدک لری خدمتله اکتفا ایتمسوب سائر افرادناسی دخی ترغیب و تشویق ایچون بر غریق قورنارن و یا خود بو بایده بر اعانه سی تبین ایدن کسانه مکافات مخصوصه تعیینیه اعلان ایلدیلر

فلنک جمعیتی میت نظریه باقیسلان بر غریق دیرلدن کمسنه یه اوزرنده مستخلصک نامی محرر اوله رق الی سه کن (۱) قیتمده بر مدالیه و میلان

(۱) سه کن عثمانلی لیراسنک نصفنه معادلدر

جمعیتی تقدماً اون ایکی سه کن و طوسقانه حکمداری بر غریق قور تارمق
 ایچون کندوسنی صوبه اتمش اولان ادمه یکر می سه کن اعطا ایدر
 وقوتها قدیمه بوملار خدمت مقابلنده بش سه کن و هامبور غده یوز طار
 (۲) ویریلور و لوندره جمعیتی بر غریق قور تارنه بش کینه (۳)
 وچالیشویده موفق اراده میانه اوچ کینه ویرر و اوستریاده یکر می بش فلورین
 (۴) اعطا قنور ایدی پارسده مقدملری کیم اولور سه اولسون صودن بر
 غریق چبقارنه یکر می بش فرانق (۵) و غریق الک یقین قره غولخانه یه
 ایصال ایدنه الی فرانق ویرلدیکی حالسده مؤخرأ ۱۸۵۰ سنه سی مقدار
 مذکور یکر می فرانقه ابلاغ ایدلمشدر موسقوه شهرنده اصحاب خیر اتدن
 ایکی ذات غریقه مخصوص بر خسته خانه یا بلق اوزره اون ایکی بیک روبله
 (۶) اعطا ایتدیله خسته خانه مذکور یا پیلوب امر اداره سی موسیو پکنه
 حواله اولندی و بر غریق کور و بده اسباب تخلصیه سنه تسنث ایتدیرک
 کچنلر حقنده طرف حکومتدن مجازات شدیدیه تعیین و اعلان قلندی
 (قدری)

(بقیه سی صکره)

-
- (۲) طار یکر می اوچ غروشه معادلدر
 (۳) کینه یکر می بر شبله و شیلن بش بحق غروشه معادل انکلیر سکه سیدر
 (۴) فلورین اون ایکی غروشه معادل اوستریا سکه سیدر
 (۵) فرانق درت غروش اون الی پاره یه معادل فرانسنز سکه سیدر
 (۶) روبله اون سکر غروشه معادل روسیه مسکو کا تندندر
-